

ხელშეკრულება სახელმწიფო შესყიდვის შესახებ №10

ქ. თბილისი

13 იანვარი 2014 წ.

ერთი მხრივ, შპს „ავიასერვისი“ (ს/კ 205040098), წარმოდგენილი მისი დირექტორის ალექსო ტყემალაძის სახით (შემდგომში - მიმწოდებელი),

და

მეორე მხრივ, დუშეთის მუნიციპალიტეტი (ს/კ229324451), წარმოდგენილი დუშეთის მუნიციპალიტეტის საკრებულოს თავმჯდომარის გარო სამაგლიშვილის სახით (შემდგომში - შემსყიდველი), ვდებთ წინამდებარე ხელშეკრულებას შემდეგზე:

მუხლი 1. ხელშეკრულების საგანი

1.1. მიმწოდებელი ვალდებულია შემსყიდველს გაუწიოს ხელშეკრულების 1.2. პუნქტში გათვალისწინებული მომსახურება (შემდგომში – სამუშაო), ხოლო შემსყიდველი ვალდებულია გადაიხადოს შეთანხმებული საზღაური.

1.2. მიმწოდებელი ვალდებულია შემსყიდველს გაუწიოს სამგზავრო-სატრანსპორტო მომსახურება, კერძოდ შემსყიდველის თხოვნით გადაიყვანოს მგზავრები (ტვირთი) მარშრუტით თბილისი-არხოტი-თბილისი.

მუხლი 2. მხარეთა უფლება-მოვალეობანი

2.1. მიმწოდებელი ვალდებულია:

2.1.1. გაუწიოს მომსახურება სათანადო ხარისხით.

2.1.2. პირადად შეასრულოს ამ ხელშეკრულებით გათვალისწინებული მომსახურება.

2.2 შემსყიდველი ვალდებულია:

2.2.1. აუნაზღაუროს მიმწოდებელს გაწეული მომსახურების ღირებულება ხელშეკრულების მე-3 მუხლის პირობის თანახმად, მიღება-ჩაბარების აქტის საფუძველზე 10 კალენდარული დღის განმავლობაში.

3. ანაზღაურების განსაზღვრისა და გადახდის წესი

3.1. ამ ხელშეკრულებით გათვალისწინებული მომსახურების ღირებულება შეადგენს 6900 (ექვსი ათას ცხრაასი) ლარს დღგ-ს ჩათვლით ყოველ ფრენა-საათში (ფრენა-საათი-შვეულმფრენის ძრავის გაშვებიდან მის გამორთვამდე).

3.2. ანგარიშსწორება დასაშვებია უნაღდო ანგარიშსწორების ფორმით.

4. მხარეთა პასუხისმგებლობა

4.1. ამ ხელშეკრულებით ნაკისრი ვალდებულებების შეუსრულებლობის ან არასათანადოდ შესრულების შემთხვევაში მიმწოდებელი ვალდებულია შემსყიდველს აუნაზღაუროს ნებისმიერი სახის ზიანი.

4.2. ხელშეკრულებით გათვალისწინებული ვადების დარღვევის შემთხვევაში, თუ ეს დარღვევა არ არის გამოწვეული შემსყიდველის მიერ ნაკისრი ვალდებულებების შეუსრულებლობით, მიმწოდებელი უხდის შემსყიდველს პირგასამტეხლოს სახით მომსახურების ღირებულების 0.1%-ს ყოველ დაგვიანებულ დღეზე.

4.3 ხელშეკრულებით გათვალისწინებული საზღაურის დაგვიანებით გადახდის შემთხვევაში, თუ ეს დაგვიანება გამოწვეულია შემსყიდველის მიზეზით, შემსყიდველი უხდის მიმწოდებელს პირგასამტეხლოს სახით მომსახურების ღირებულების 0,1%-ს ყოველ დაგვიანებულ დღეზე.

4.4. მხარეთა პასუხისმგებლობის ზომები, რაც არ არის გათვალისწინებული ამ ხელშეკრულებით განისაზღვრება საქართველოს მოქმედი კანონმდებლობის შესაბამისად.

4.5. ზიანის ანაზღაურება არ ათავისუფლებს მხარეებს მათზე დაკისრებული ვალდებულების შესრულებისგან ან დარღვევათა გამოსწორებისგან.

5. ფორს-მაჟორი

5.1. მხარეები თავისუფლდებიან პასუხისმგებლობისაგან ხელშეკრულებით ნაკისრი ვალდებულებების შეუსრულებლობისათვის, თუ ასეთი შეუსრულებლობა განპირობებული იქნება ფორს-მაჟორით.

5.2. ფორს-მაჟორს მიეკუთვნება კლიმატური, ტექტონიკური, ტექნოგენური კატასტროფები, სოციალური მღელვარება და სამთავრობო გადაწყვეტილებები, რომლებიც არ არიან დამოკიდებულები მხარეების ნებაზე და მათი თავიდან აცილება აღემატება მხარეების შესაძლებლობას.

5.3. ფორს-მაჟორის სტაბილური გამოვლენისთანავე, მხარე, რომელიც დადგა ასეთი გარემოებების პირისპირ, ვალდებულია დაუყოვნებლივ აცნობოს მეორე მხარეს. ასეთი შეტყობინება დადასტურებული უნდა იყოს კომპეტენტური ორგანოს მიერ.

5.4. მხარე ვალდებულია, ასევე დაუყოვნებლივ აცნობოს მეორე მხარეს ფორს-მაჟორის მოქმედების ხანგრძლივობისა და შეწყვეტის შესახებ.

5.5. "5.3" და "5.4" პუნქტებით გათვალისწინებული ვალდებულებების დროულად შეუსრულებლობის შემთხვევაში, მხარეები კარგავენ უფლებას მიუთითონ ფორს-მაჟორზე.

5.6. იმ შემთხვევაში, თუ ფორს-მაჟორი გრძელდება 2 თვეზე მეტ ხანს, მხარეებს უფლება აქვთ, შეწყვიტონ ხელშეკრულება ყოველგვარი პასუხისმგებლობისა და ანაზღაურების გარეშე.

5.7. ფორს-მაჟორი მიიღება მხედველობაში მხოლოდ იმ შემთხვევაში, თუ ის წარმოიქმნა ხელშეკრულების ძალაში შესვლის შემდეგ და მხოლოდ იმ შემთხვევაში თუ საფუძვლიანად იქნება დადასტურებული ასეთი გარემოებების გავლენა ხელშეკრულებით ნაკისრი ვალდებულებების შესრულებაზე.

6. დავების გადაჭრის წესი

6.1. დავები და უთანხმოებანი, რომლებიც შეიძლება წარმოიშვას ამ ხელშეკრულების შესრულებისას, გადაიჭრება მხარეთა შორის მოლაპარაკებების გზით, წინააღმდეგ შემთხვევაში მხარეები მიმართავენ სასამართლოს.

7. დასკვნითი დებულებები

7.1. ხელშეკრულების ნებისმიერი ცვლილება და დამატება ძალაშია მხოლოდ იმ პირობით, თუ ის შედგენილია წერილობითი ფორმით და ხელმოწერილია მხარეთა მიერ. ამ ხელშეკრულების დანართები წარმოადგენენ მის განუყოფელ ნაწილს.

7.2. ხელშეკრულება ძალაში შედის მისი ხელმოწერის მომენტიდან და მოქმედებს ამ ხელშეკრულების საფუძველზე მხარეთა მიერ ნაკისრი ვალდებულებების სრულ შესრულებამდე.

7.3 ხელშეკრულების შეწყვეტა შესაძლებელია მხარეთა შეთანხმებით, აგრეთვე ამ ხელშეკრულებით და/ან საქართველოს კანონმდებლობით განსაზღვრულ შემთხვევებში.

7.4. ხელშეკრულება შედგენილია ორ ეგზემპლარად, ხელმოწერილია, გააჩნია თანაბარი იურიდიული ძალა და მოქმედებს 2014 წლის 31 იანვრის ჩათვლით.

8. მხარეთა მისამართები

შემსრულებელი:

შპს „ავიასერვისი“

ს/კ 205040098

ქ. თბილისი, ჭავჭავაძის გამზ. N39ა

საბანკო რეკვიზიტები:

სს „ბანკი ქართუ“

ბ/კ CRTUGE22

ა/ნ GE72CR0000000000203607

შემკვეთი:

დუშეთის მუნიციპალიტეტი

ს/კ 229324451

ქ. დუშეთი, რუსთაველის ქN27

„ლიბერთი ბანკის“ დუშეთის ფილიალი

ბ/კ LBRTGE22

ა/ნ GE74LB0120137474229000


დირექტორი:



/ა. ტყეშელაშვილი

დუშეთის მუნიციპალიტეტის

თავმჯდომარე


/ გ. საძაგლიშვილი /

